



Հ Ա Ն Գ Ի Ս Տ

ԱՐԺԱՆԱՊԱՏԻՎ Տ. ԽԱՉԱՏՈՒՐ ԱՎԱԳ ՔԱՀԱՆԱ
ՏԵՐ-ՀԱՐՈՒԹՅՈՒՆՅԱՆԻ
(1877—1965)

Նոյեմբերին Մոսկվայում, 88 տարեկան հասակում, վախճանվեց արժանապատիվ Տ. Խաչատուր ավագ քահանա Տեր-Հարությունյանը:

Հանգուցյալը ծնվել էր 1877 թվականին Ղափանի շրջանի Արցախի գյուղում, քահանայի ընտանիքում: Սովորել է Շուշիի թեմական դպրոցում և ապա, 1892 թվականին, ընդունվել Սևանի վանական դպրոցը: Երկար տարիներ պաշտոնավարել է հայ եկեղեցիներում որպես տիրացու և 1920 թվականին քահանա է ձեռնադրվել Պիադիգորսկ քաղաքի Տ. Բագրատ արքեպիսկոպոս Վարդապետյանից: Մինչև 1930 թվականը պաշտոնավարում է Պիադիգորսկում և ապա տեղափոխվում Մոսկվա, ուր քահանայագործում է մինչև խոր ծերություն:


Հանգուցյալը իր երկարամյա և արդյունավետ պաշտոնավարության համար պարգևատրվել է քահանայական լանջախաչով և ծաղկյա փլվինով Գևորգ Զ Կաթողիկոսի կողմից:

Տ. Տ. Վազգեն Ա Վեհափառ Հայրապետից ստացել է ավագ քահանայություն:

Հայրենիքին մատուցած իր ծառայությունների համար արժանացել է «Մոսկվայի պաշտպանության համար» և մի շարք այլ մեդալների:

Հանգուցյալը բարի, ազնիվ, իր կողման և աշխատանքին նվիրված, բոլորի կողմից սիրված և հարգված հոգևորական էր:

Հանգուցյալի վերջին օծումն ու թաղումը կատարվել է Մոսկվայի հայոց Ս. Հարություն եկեղեցում, ձեռամբ Ռուսապետանի և



Հյուսիսային Կովկասի հայոց առաջնորդ գերաշնորհ Տ. Պարզե եպիսկոպոսի, որն իր դամբանականի մեջ վեր է հանել հանգուցյալի կյանքի և գործունեության ուսանելի կողմերը:

Հանգիստ նրա ոսկորներին:

